

Regulacion All inclusive no kiermen cu ta stop All inclusive

**ORANJESTAD - Minis-
ter encarga cu Turismo
Otmar Oduber ta satis-
fecho cu a pasa e ley di All
Inclusive. E ta informa
Bon Dia Aruba cu e no ta
contra All Inclusive, sino
ta mira e importancia pa
regula e cantidad. Actua-
lmente 34% di camber ta
All Inclusive, ley ta per-
miti bay te 40%.**

Ta casi 3 aña cu a cuminsa cu e estudionan y no tabata facil pa tuma un decision ki direccion pa bay pasobra no tabatin mucho caminda cu por a wordo cana. Mas o menos 1 aña y algo pasa despues cu e situacion na Radisson a bira un problema cu e hotel a casi bira All Inclusive, mes- ter a tuma un decision mas acelera. E tempo ey e unico caminda cu tabata viabel pa regla e situacion, tabata via e ley di All inclusive aki. Cu a wordo regla den Parlamento diamars cu 12 voto na favor, Sr. Oduber a bisa.

“Naturalmente e ta termina un periodo di basta discu- sion den comunidad entre gobierno y tambe Ahata.

Otro gremionan tambe a pidi diferente biaha pa bay mesa pa tempo pasa y mas estudio wordo haci. Mi ta kere cu gobierno a cumpli cu tur peticion di diferente gremionan den e sentido cu na mei a pidi un ‘cooling off period’ y aworaki despues di 4 pa 5 luna no a bin ningun alternativa di parti di Ahata. Ahata no tabata interesa mas pa sinta na mesa cu gobierno y di otro banda por a mira cu rapportnan adicional a wor- do traha pa e impacto eco- nomico di Banco Central, pero tambe a traha un di dos opinion riba e aspecto legal cu ta sostene ambos rapport, sostene e ley cu gobierno a presenta, como tambe e es- tudio haci pa Price Water- house Coopers (PWC).”

40% total All Inclusive

El a sigui splica cu den Parla- mento a sigui trece diferente biaha dilanti pa loke ta e can- tidad di cambenan 34% di cambenan ta wordo opera como All inclusive. E ley ta permiti pa bo bay te 40% y ora haci un calculacion di es- aki, e ta cay riba 540 camber. “Ningun momento tin 1500



camber mas pa bin, mane- ra ta wordo treci door di MEP”. Esaki manera ta con- oci tin un maneho cu ta bay hancra na e Decreto Minis- terial. E ta encera cu pabou no por tin otro tipo di hotel- nan cu ta wordo fomenta cu ta Boutique Hotel y Niche Markets. Door di esaki e

posibilidad pa un hende op- era un All Inclusive practi- camente ta wordo limita na San Nicolas. Dicon na San Nicolas? Como cu eyan no ta desaroya y no tin un producto pa desaroya hotel, pues ta laga e porta habri pa cuminsa cu un All Inclusive habriendo porta pa un desa-

royado interesa pa cuminsa cu un All inclusive mientras cu ta crea e desaroyo den e area di San Nicolas y pariba di brug, cual naturalmente mester continua cu desaroyo turistico cu lo tin beneficio pa henter e comunidad di San Nicolas. “E ta un opor- tunidad cu ta laga habri pa San Nicolas”, e mandatario a enfatisa splica.

MEP ta hopi bruha den e materia aki, hopi tempo pasa ora cu Westin a bira All In- clusive y Radisson a hera bira, nan a para fuerte contra di All Inclusive. Sr. Oduber ta enfatisa cu nan ta para pa un regulacion di All Inclu- sive. Un regulacion no ki- ermen cu ta stop, of cu ta contra di un All Inclusive. Ta percursa cu tin un balansa den e mercado y ofre- cimento cu tin den inventario. Segun e mandatario ora cu ta papia di balansa e ta referi na cambenan regular (EP), All Inclusive y Time Share cu tambe ta conoci na Aruba. E mix aki cu tabata exitoso pa mas cu 30 pa 35 aña aki na Aruba kier mantene a base di e regulacion aki. □